




佛山義塾書



DS
1793
K92.C625
1752
v.1








乾隆十七年壬申九月

佛山忠義鄉志

里人陳炎宗總輯



CHENG YU TUNG
EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5



序

志者志其事也事有可志奚問鄉邑
哉邑之有志固已凡一鄉之事志乘
所不及周志者正不妨勒成一書以
備稽攷况粵之佛山鎮為嶺以南一
都會耶余自辛未夏膺分刺廣州之
命來蒞茲土周覽二十五鋪之豐饒洙江



石雲之秀麗并疆廣袤幾與邑埒慨
然思立文獻而徵久遠攷之邑志略
而未詳每於月旦集紳士耆老講讀
聖訓畢凡茲鄉之土俗民風山川物產以及
忠孝節廉徧訪而周詢之僉曰鄉曾
有志也創之者為康熙間里人李君
侍問今已散逸予聞而惜之謀有以

網羅而續成之未遲也未幾鄉之紳
士咸以斯志來請予俗吏也腹且儉
愧無以應茲鄉太史雲麓陳先生文
章宗匠具良史才且世於其鄉見聞
尤切宜肩厥任正相與商確以始其
事會

恩詔開科大吏以塲務檄予辭不獲闕

月而畢乃事既又以西洋波爾都噶
爾亞國遣使通

貢大吏檄予送之入

覲南北奔走逾年而返返則又承乏渡
門五閱月而代距商確之日兩年餘
矣回署之三日方欲理前說而經始
之鄉之紳士來告曰茲鄉之志太史

雲麓陳先生與諸同志已編輯成帙
登之棗梨矣書凡十又一与予聞之
而喜急取而披閱之筆意簡括高古
端委攸宜不文不漏洵非具良史才
者不辨是志也雖僅一鄉之事實佐
邑乘之所未及周悉者也詎可少哉
諸紳士復問序於予予不文又重違

其請為弁數語於首

乾隆十有九年歲次甲戌二月朔旦
奉政大夫同知廣州府事駐劄佛山
加一級紀錄四次平江毛維錡撰



忠義鄉誌序

余家居吳中知嶺外風景
與江南異故自奉

命來粵凡所蒞之地必先競
於土俗民風正恐出沒而斯

民杆杙也願異地之民情難
以遽悉其可依約以求而歷
歷可考者莫如志之所載山
川井里風俗人物以及藝能
文事之洵靡不畢具民

好民惡一展間而瞭然笑矣
歲冬予承乏佛山急欲一觀
是鄉耿槩求諸省志邑志
脩而不詳訪之父老云昔有
李君某者創鄉志今殘逸

不可得予聞之乃深惜之

今春彭生來袖出忠義鄉

志草一帙謂此印李名所

創今太史陳公纂脩刪字

者也予藉慰不已以展閱

數次不特山川之雄麗井
里之稠密又物之盛貨財之
富甲於東粵極今思古此
鄉之命名皆以忠義稱者
夏足深人仰慕之懷正不
僅

得悉民之好惡而梗于曲反
施令也太史之誦令之者豈
徒以矜博洽耀才能哉亦
欲使古之忠懷義行常昭
千古而後之安居此鄉者其

亦知以興起耶予不敏
體諸君子之意而日教
斯民無忘忠義烏可耳
時

乾隆癸酉歲春仲古吳趙廷賓

序



忠義鄉志序

東粵有志南海復有忠省
合而括邑專而詳志如是
足矣至邑之有鄉又各自
為志則不勝其煩而且傷

於贅何則鄉之地無筭其
人其事之可紀者已採入
邑志中奚用再瑣々為然
獨不可以是例忠義鄉也
龍號劇鎮屹為嶺南都會

既與他鄉不同而准以官
之衛呂兵戎舉非他鄉所
有自明而始盛至

國朝而大盛其人其事之可
紀者與他邑等不稽覈

文獻會萃成書曷以表海
國之名鄉哉夫博雅之士
遇一佳山水尚思搜剔幽
奇勒為一志況攷風俗闡
潛息揭忠義於前徽勵名

教于來世幸逢

右文之治顧不載筆以鳴其

盛欽迺自膏鄉呂來落落

千百載竟未有起而作志

者非有待於後之人歟康

熙中里人李君侍問始粗
創之為一鄉文獻計意良
厚而義例不立叙議多遺
傳曰言之無文行之不遠
今已殘缺不存志之有賴

于修也亟矣鄉故多士
余謀所呂修之者而屬
余搃其事予以固陋辭不
獲爰蒞心起例廣為蒐羅
計分十類曰鄉域譜井里
也曰

官典尊制度也志鄉事繩
俗而風謠備矣志鄉學鄉
防而文武燦矣人才徵于
選舉名宦著於謳思標人
物巨擘先型采藝文以垂

不招可以興可以觀矣蓋
本於舊志者十之一二餘
皆新輯雖系與梓見聞頗
確事核而辭直或庶幾焉
夫一邑者一鄉之推也一

國者一邑之推也地有火
小而治無大小也則志亦
無大小也是志雖一鄉之
私書而可以補省志邑志
之所未及即視為一邑一

國之書無不可也若曰夸
大以侈其聊則余豈敢

晉

乾隆十七年歲在壬申九月

穀旦里人陳炎宗撰

陳堅
炎宗

陳
楚

忠義鄉志

凡例

一鄉爲都會地土僑參錯而居初無珍域之分志內選
舉人物俱一體採輯惟君子爲能通天下之志蓋必
自同人於鄉始矣

一僑籍有以才德著者

人物志

有以名爵顯者

選舉志

舉人知縣以上

仍追紀其原籍不沒其所自而本始

之義昭焉

一邑志載文武科甲至歲貢而止其各途出身軍功出

身例貢國學郡縣文武學不與焉今則盡登之非好繁也蓋以齒於衣冠異於凡民或仕祿之初階或科名之發軔是宜並存以勵進取

一邑志所載耆壽俱有行誼可傳否則百齡以上茲則寬收九十以上悉錄以鄉黨尙齒也

一藝文以有關於鄉之風土者廼載餘雖鉅藻鴻裁槩不旁采

一選舉志前朝科目除授崇正以後者槩不敢登遵功令也

一列女有節婦貞女賢母才媛四項似宜分列今更不分類但隨先後書之本邑志也況觀者自能條析可毋庸贅

一舊邑志例有曰名宦立傳昭激勸也至現任名賢縱有殊尤未敢稱述今仍此例以杜諛誣

舊邑志例有曰士君子身後論定雖今日功名顯赫之人巖穴高蹈之士未敢預為立傳列女亦然苦節未亡統俟他日今仍此例以矢慎公

一邑志首載分野此獨缺者緣地在邑中分野自與邑

同邑志既詳毋庸贅述

忠義鄉志

目錄

鄉域志 卷一

忠義鄉全圖 說論 形勝 山川 舖社

道路 里巷

官典志 卷二

廣州府佛山同知 五斗口司巡檢

駐防都司 駐防千總 前駐防文職 公署

靈應祠 鹽埠 稅館

鄉事志 卷三

紀畧 圖甲 坊表 諸廟 墟市 津渡

橋梁 亭館 寺觀 家廟 墳墓 古蹟

選舉志 卷四 卷五

進士 舉人 貢生 武科 各途 軍功

封贈 恩蔭 國學 文學 武學

鄉俗志 卷六

習尚 語音 氣候 歲時 氏族 物產

鄉學志 卷七

社學 書院 義學 文塔

鄉防志 卷七

隘口 營哨 更聞

名宦志 卷七

名宦

人物志 卷八 卷九

名臣 循吏 文苑 武功 孝友 義行

馳封 隱逸 耆壽 列女 僊釋 方伎

藝文志 卷十 卷十一

疏記序詩書目

監修

誥授奉政大夫廣東廣州府佛山同知古吳毛維綺
誥授奉政大夫署理廣州府佛山同知長洲趙廷賓

纂修里人

賜同進士出身翰林院庶吉士辛酉解元陳炎宗總輯

賜同進士出身截

選

知

縣龐

遙

敕授文林郎沔水新縣知縣改授新興縣學教諭丙子經魁李紹祖

辛酉舉人揀選知縣梁調元同纂

歲

薦霍珠

歲

薦龐永乾

陳捷揚

文學

洗必顯

彭金祈

梁東大

李高分編

黃四德

龔 珽

國

學

陳廷相

洗松分校

國

學

黃爲達監梓
霍泰

佛山總圖





靈應祠圖


崇正社學

靈應祠



三元菴

流祠



忠義公志

卷之一

忠義鄉說

佛山堡名耳鄉則曰忠義顧天下艷稱佛山幾忘其鄉之為忠義母乃愛其地而逸其美乎夫曩者之錫此鄉以嘉名也地以人榮至傳之今日則人又以地榮矣鄉人士不以之自耀而但稱佛山故天下亦遂循而忘之也雖然有美弗彰君子懼焉謂無以厲世而翼教也惟揭忠義之名昭表里之意俾天下咸知是鄉之美不在烟火之稠文物之盛貨財之富而在二十三人之赤忠與其子弟之從義照當時風後世

生其地者固感溯而興起遊其地者亦愛慕而流連
於以扶獎人倫敦勸名節君子不有微權乎哉

佛山鎮論

南海之都六其一曰西淋西淋之堡十其一曰佛山計其圖甲佛山非有異於諸堡也而邑必以爲首稱豈惟一邑舉十郡之村落無一足與擬者殷乎盛哉或謂地當省之上游西北兩江滙於此而後入海實嶺南一大都會故四方之估走赴如鶩市鎮之盛宜矣然天下之市鎮不一處豫有朱仙楚有漢口江右有吳城其遠近商販肩摩踵接率與佛山同而佛山顧獨有異於諸鎮者則以爲忠義之區也忠義著而

貨貝萃焉天之所以報也貨貝萃而義不失焉地之
所以饒也生近市而文行興焉不因利而移其性也
居接市而科甲峙焉忘乎利而顯其學也且數百年
來賢士大夫類能秉忠蹈義剛正廉清是皆本先人
之教在市而無市心也佛山之盛蓋如此彼僅視爲
市鎮之雄者烏足以言佛山哉

佛山賦

永新縣尹 李紹祖 里人

歲當建巳月屬初秋鵬其鳴矣麟荊子與客泛舟汾
江鼓棹仰視牽牛靈鵲何橋支機何石仙槎何來星
漢何隔人中五宵彼何一夕歎世界今三千大千如
此其寬笑吾生兮雙眼一身体放其窄風月既有賢
主人兮光陰寧憊其過客李白斯言不亦欺人太甚
乎客曰是固然矣然事乃有在耳目之前而所信反
在見聞之外者久蓄所疑請得與吾子而共白即如
佛山一鄉何以無山塔坡一刹何以無塔不幾名與

實反孔子所云觚而不觚耶麟前子曰善哉問也夫
吾鄉之所以得斯名者以三古佛之所從出也而其
稱山則別有說蓋佛以聞喜爲山以洞天福地爲山
如獅林鹿苑本叢爾地耳而稱之曰寶山又曰山門
此無形之山也而子乃欲以有形者求之不亦固哉
若夫塔者乃金輪王之所轉阿育王之所造出其數
者則爲名世之偉人登其峰者是亦袞衣之秀士特
以氣運不極其隆則塔光不極其現雍正間有僧海
信者卓錫於此範鉄爲浮屠七級自是而塔坡之塔

巍然煥然與吾鄉而共傳千古矣於是佛曰是不可
無以鎮之也先是西方有古丈夫二其闢化西方者
則無量壽佛也其起化於北極者則道書所稱玉虛
宮真武元君是也佛乃令帝釋請其代司香火于吾
鄉廟號祖堂當國之陽左大士右文昌旗帶水之京
曲折繞其後七星劍龜蛇星斗列其旁歷朝諭祭

聖代尤崇春秋肅祀百爾虔恭時維三月土巳佳辰是真
君降祥之日也香聞滿室花散諸天母夫人剖左脇
而生焉故鄉人於是日也香亭所過士女拜謦庭燎

徹曉祝壽開筵錦衣倭帽爭牽百子之爆車燈廠哥
棚共演魚龍之曼戲莫不仰神威之顯赫而極太平
之樂事者也逮所遊既遍而真君亦返轅登座代造
物以成歲功矣蓋自維夏以前吾粵風俗約畧相同
入伏以後則吾鄉實稱古處焉避暑則戒子弟毋蹈
河朔之雄飲曝衣則諭媵妾休陳阮氏之綺羅若乃
七夕穿針則繡閣女卽不諱陳金盒於織女中秋待
月則席珍文士爭誇証紙筆於嫦娥或登高競笑劉
卽畏題糕字或踏雪每仿浩然驢背高歌由是四時

之節已盡一年之景物復新家家相餽歲戶戶貼宜春此誠舍衛給孤之國有其勝槩豈獨桃花秦人之洞誇彼漁人已哉吾也與子幸生樂土策足皇途縉紳切彈冠之慶美玉無待價之沽相賞則以講學爲重會友則以文酒梅呼以故逢大比則歌鹿鳴而來者既多髦士遇公車則題雁塔之名者亦躋公孤科名既已濟美物產又復爭奇錦繡則冰綃霧縠彩扇文犀翠羽則畫眉倚粧臺而窺鏡孔雀亦望金紫而開幃抑更有奇焉者越裳有白雉之獻新羅進食火

之鷄以故商車洋客百貨交馳蓋自古氣運之隆莫過於今日者矣善子郭景純謂南海盛衣冠之氣故建望氣之樓於金山其占在千餘年之前其響應在千餘年之後璞之術亦神矣哉客曰術雖神吾獨惜璞何不移建此樓於吾鄉使後生小子望而知所勸勉豈不千秋佳話耶予曰子未知璞之深意蓋有在也當日即璞亦難以告人至今日而始曉然耳蓋晉之時吾邑猶然草昧即大江以南尚不得與中夏等故雖有子游子夏之文學歌詩獨闕於採風又何有

於吾邑耶自金山造妙高之臺而江左始得與中原
等璞亦明知吾邑之風氣將來必與江左等故預建
此樓于金山以符徵應蓋以兩金山其稱名也同其
主持世運而轉移風化也亦無不同非璞亦烏能以
致此哉此與塔坡之塔一則或先一則或後是皆天
造地設非其時不興非其人莫舉者也於是客乃鼓
掌狂起而前曰快哉子之言誠暢矣辨矣思欲再整
殘炙以盡餘歡無如舉網之魚已盡謀婦之斗酒亦
空客乃橫枕假寐予亦隱几逍遙忽見離趾之神引

馮夷兮擊鼓揖螺女兮吹簫英皇兮抱瑟而至洛川
神女兮韻壓笙韶共奏彼汾之一曲咏歌

聖天子之治化遠邁唐堯歌罷羣英復進而請曰先生今
日之遊樂乎風月既有賢主人光陰寧慮其過客請
爲先生再歌以永今夕歌曰維佛有山兮望靈鷲維
山有佛兮光川嶽鎮娑婆美

帝德之如天金甌永垂于億禩觀南交之是宅玉宇長奠
夫山河既而蓬影瀉光水天紅映而東方白矣

佛山志序

志何昉乎昉於史也史又何昉乎昉於詩也古者三代盛時命太史採民風以觀其俗尙自封建廢採風之典不行而史之權遂操於官矣故作史者至今日爲難孟子云王者之迹熄而詩亡詩亡然後春秋作春秋者史之所由名志者特史之一端而名勝與鄉國之志又郡縣志之一端也彼其前有所稽後有所考猶不能無互相得失而況吾鄉佛山未嘗有志者乎則修創之難其什伯於他志又何疑哉憶曩者

世宗皇帝時命修一統志各省皆開局分纂

祖承督撫大人之

聘佐會稽太史魯啓人先生與諸子同勦局事甫一載而

書成其時吾鄉諸君子卽以佛山之志見委

祖因病力辭

後又以瓜期相逼遂匏繫一官於筠城然每當送科回日

諸君子復重理前說然終以職守所縛不能也邇歲幸值

太史雲麓陳先生告假返里

祖於是手額而喜曰佛山志

有其人矣遂速諸君子往請太史亦力辭至再而後允及

告竣懸之國門遂成不刊之書矣

祖於是慨然歎曰筆具

三長胸羅四庫太史其真良史才哉蓋爲此志者所難有

三所不易者有四溯吾鄉自明代以前版籍無徵碑碣失
考則稽覈難卽訪之各族子姓而家乘所垂不能無魯魚
亥豕卽故老所述亦不免傳聞異詞則徵信難向者陳眉
公有云史冊若賬簿然熟讀打算恐涉米鹽之零雜刪蕪
就雅又類金石之標題則比事屬辭難若避此三難卽有
四不易者以隨其後何者前賢功績有顯有微卽載之傳
記者亦有直有諱倘涇渭莫分亦奚辭夫知罪其不易者
一也又況立乎今日以上遡千百載之肇基若但按圖索
驥則蔚宗良史常璩且笑其續貂倘徇情濫收縱韓愈文

章劉义亦笑其諛墓其不易者二也抑祖嘗聞之前輩矣
修志與修史不同史一成而不易志則屢修而屢易其辭
若所易者而當則後人攘爲己功所易者不當輒誣前賢
爲失實其不易者三也又不獨此即使所易而當亦有所
不可者昔西湖志鉄冶嶺有莫婆井是善士莫公之妻所
鑿有一士惡其名不雅改爲莫公井夫亦謂夫與妻一而
已後夢莫婆見責其目遂瞽其不易者四也况吾鄉原勝
地也肆號五都輪蹄相雜習尙易爲轉移所幸風氣醇厚
士習克端縉紳敦禮讓之風學校無城闕之刺所賴操持

教化者因事而利導之整齊之則帝治光華王民皞皞不
難復見於今日茲試與諸君子揚扅此書其修辭也簡其
筆削也嚴不漏不卮有倫有脊於以表揚

聖朝

之駿烈而著往哲之芳徽風俗轉而日新文光因而增勝
關門無犬吠之醉人旗亭多畫壁之紅粉閨閣亦解詩書
孺子亦知吟咏誰謂茲志之修顧可一日緩哉吾願諸君
子生斯長斯聚國族於斯念舊德服先疇以無忘先正之
古處則以是書備採風之諮度亦無不可也夫乃或者曰
鄉以人重耳未聞人以鄉重也予曰不然通德之里其鄉

固以鄭公而重也然子獨不讀晉書乎烏衣之巷其子弟之遊觀而至止者都人士莫不艷之慕之曰此玉麈王家也其子弟又豈不以烏衣巷而重耶故古人之不輕去其鄉以此昔石建過里門而不式萬石君怒而不食孔子於鄉黨飲酒立談備著於魯論豈非以父兄宗族之所在歟故又曰觀於鄉而知王道之易易毛詩亦曰維桑與梓必恭敬止古人之重其鄉也如是夫重其鄉卽所以重其人也祖鄉人也因得次其始末以爲吾鄉慶而樂爲之序

皆

乾隆十有八年歲次癸酉季春吉旦里人李紹祖頓首拜
撰

癸酉春佛山忠義鄉志成余與黃子兆聞何子殿修霍子
鵬萬鳩工付梓鄉人士以文獻有徵舉欣欣有喜色余作
而言曰此固太史陳公之長而諸子之勤以請者又曷
可少也方太史以名元掌汾江義學教霍子統天陳子
顯今簡子敬章即以志事請太史諾之而未暇緣計偕
北上也客歲壬申霍子士友陳子容善果璋李子饒臣復
以志事請太史乃振筆從之蓋自夏徂冬而始就嗟乎
事關文獻之重成豈易乎哉憶昔御史薛公由郡侯來
攝佛山司馬首詢鄉志嗣後歷任者率以此為問予嘗與

彭子岐山言修志事不容緩而幸諸子之有同心也夫微
太史之才識則不能因李閭衷氏之草畧而裁爲義例緯
以精詳然非 靈應祠值事諸子急欲是書之成節租襄
事亦安能完此美舉哉今而後有願借圖經者可以出而
應之矣余故於修志始末疊疊言之實喜極不能忘爾督
梓之耆老爲彭朝智梁睿公龐惠賢冼瑞淮陳元美龐敦
長冼開子李作侯皆樂觀是志之成者併及之

里人梁東大謹識

舊志小引

客有過余齋頭坐相與語因及桑梓事客欣然請曰
天下者一國之積也一國者一鄉之積也以君之博
洽國與天下事無所不可一鄉之槩可得而悉之與
余曰未也余生粵南偏不及遨遊天下名都大邑山
川風俗人文景物弔古人之芳踪按野乘之珍藏披
輿圖之廣記以益余之不逮譬猶坐井觀天爾而又
烏稱博洽爲矧天之南有粵粵之郡有廣廣之邑有
南海南海之鄉有佛山即耳目見聞頗識於懷奚足

多耶客曰國與天下知君有志焉偶未逮耳請自鄉
始客乃力叩余平日所爲聞見者隨與語終日咄咄
不休客曰嘻異矣以余所聞令先翁超南公言君弱
齡長於記述成童優於論斷殆非虛語君其勿遜因
出一編示客客喜曰已有成書矣盍公之母徒爲枕
中秘俾佛山鄉志由此書權輿不猶愈乎余曰抱此
良願久矣第三寸舌耕而資無從出持鉢近於陋斂
箕近於擾計將安施乎歸而謀諸母母曰所志云何
余曰孝子順孫則志之義夫節婦則志之紳衿榮顯

又志之封贈恩蔭又志之甚至廟寺菴堂氏族祠宇
里巷墳墓歷年災祥以及幽光潛德有則必書毋曰
此事誠美昔人捐貲以惠浮屠氏猶作無益害有益
茲役也費吾老大簪珥無幾願毀以成厥事其梓諸
於是輯舊文錄碑傳詢故老焚膏繼晷歷五閱月而
筆藁始就又歷半載而梓工乃竣每事必極其精詳
毋敢欺已以欺世於其所不知蓋闕如也獨是人物
一節余何人斯安敢妄爲汝南評乎然採里巷之口
碑及生平所敬仰者雖一節之燬一行之善據事直

書間有邑志已載則採而錄之邑志未及載則葺而
補之是必月旦輿論有同情方垂諸簡冊而無媿於
是請教鄉先達叔求霍老先生及質之同人龐君猶
仲倫君甫明霍君章賓咸曰善遂命兒曹象鑣象錦
象鏜暨門徒梁胤昌編次較閱而一鄉之事展卷瞭
然謂斯志爲草創以俟後人之增飾也可謂斯志爲
遵母之志亦可謂斯志爲余之成書則不可敢曰國
與天下有志未逮哉客復顧而笑曰君之書成矣君
其勿遜第勞費心力又不靳解橐俾昔人之幽光潛

德母致泯泯無聞者皆志書之爲也亦君之貽之也
請記其事於簡端庶後來有續是志者亦知所自乎
余曰唯唯因述其顛末聊以爲引以報客客顧是誰
順德文康梁公之後錫植梁君也

里人李侍問撰

定義錄

卷之二

七

舊志原序

志何昉乎昉諸春秋也孔子曰吾志在春秋朱子曰
心之所之謂之志則凡事無大小有志者事竟成也
然天下輿地有志省會郡邑有志鄉何為獨不然吾
佛山一鄉向無專志有之自今日閭衷李君始君生
而聰穎遇事輒記讀書之暇多所著錄大司農忠定
李公甚器之即鄉人亦莫不稱為李家駒也一日詣
予廬語及修鄉志事欲予同事焉予曰吾耄矣無能
為也已願君其兼之未幾而持文藁至稽核甚詳採

聽甚當舉從前之事蹟一一臚列之其用心可謂至
矣乃復以母命不靳解橐遂捐金以爲梓人費其隆
德高誼又非尋常所可及況李君少失怙事母至孝
矢志芸窓讀書角藝安得休暇及此乃披閱其志書
頓覺綱舉目張幽遐昭著分列十卷首輿地廟圖次
歲時風俗而以人物傳終焉固知天下事自有兼才
即纖埃罔不入其靈府倘所謂胸中有全志者非耶
然佛山之地五方雜處民情土俗與時消息按志而
稽損益可知已有志竟成洵匪誣也余昔甲子與鄴

侯公同舉於鄉又與忠定公同時在燕皆閭裏君鴈
行也則今日之役余安得不欣然而序其事於篇端
康熙五年五月里人霍得之譔

忠義錄

卷之一

二

諭祭靈應祠祝文

維

景泰四年八月壬申朔越十五日丙戌廣東等處承
宣布政使司 廣州府知府 南海縣知縣 欽承
上諭敢昭告於

靈應祠神維

神廟食南土肇宋元豐捍患禦災累著民蹟向茲盜發克
副禱禳尅用剪除實資

神貺王朔制祭於禮宜隆

特勅有司歲修常祀尚祈

景貺永福生民尚

享

汾江義學增建求志齋記

汾江義學創自前司馬天都黃君堂廡庖湑綦脩遴聘儒宿以主講席數年於茲人文蔚起負笈而來者溢於學舍振興之效畧可槩見予下車月課諸生臨視慨然思有以廣之適有醵金乃於義學右偏隙地復構講堂翼以廊廡顏曰求志亦猶黃君所謂讀書明理講求經濟實用之意以相勗云爾予蒞茲土歲凡四更大吏調遣奔走之日多於撫理何異傳舍哉繼自今日益而擴之俾憬慕之士不致阻於庫隘有

造有德徧於鄉隅庶風爲近古予蓋有厚望焉乾隆

十九年二月平江毛維錡記

忠義鄉志卷之一

鄉域志

形勝
鋪社

山川
道路

疆界
里巷

昔鄭公有德孔北海爲易鄉名不知其幾何里也而

吾粵程旼以姓顏鄉遂以名縣

程鄉縣今
爲嘉應州

則所冠者

廣矣夫地獲褒稱因乎賢哲而後來憑賞過輒低徊

雖廣狹不同傳愛則一也忠義鄉爲嶺表巨鎮周遭

三十四里中分二十四區區可一里有半其廣不及

縣之一隅然以擬鄭康成故里或且過之矣忠義之

遺山川增色由今溯昔撮土猶馨雖一鄉乎實弁冕

於炎方也已夫豈獨郵程之鄉始擅人地之美哉作
鄉域志

形勝

郡邑之建也先審形勝入境而知其地之祥由襟帶
得宜蟠踞有象也推之於鄉何獨不然佛山之地平
衍而王借聳其前西淋峙其後左接蟠岡之秀右則
層巒疊嶂蜿蜒屏護局展如翔鳳青烏家詡焉水則
發源最遠合西北兩江奔注汾水以達海鑿港引流
四面縈抱洵澤國沃壤哉郭景純謂南海盛衣冠之

氣蓋指靈洲煙翠間以鬱水經其下也鬱水即西江
今不趨靈洲矣氣機潛轉盛固在此而不在彼歟

山川

王借岡 在鄉西北二十里當湏鬱二水之衝為鄉之
遠脉產石青色如劍戟開採則盜賊頻興明御史屠
應坤奏封之麓有大士關帝廟

西淋山 在鄉西南十里孤峙海畔跨南海順德兩縣
界中有十餘峰延袤數里形家謂鄉之捍門良然

蟠岡 在鄉之東蟠岡堡渡河里許可至狀圓如月端

嚴隆滿蓋西北諸山迤邐而來至此駐脉實鄉之鎮山也

赤珠岡 在鄉之西七里屬張槎堡不甚高峻與旁之白泥岡綠松岡鬱龍岡赤霞岡形家目為五星聚美為鄉之近脉

塔坡岡 在鄉之耆老舖相傳曾得三佛像於此因名佛山今已平為市地稍高處祀東嶽大帝稱普君墟

三穴岡 在鄉之黃傘舖高僅培塿今已平為列肆肆

後墳跡猶存

石雲山 在大基鋪對岨壘於河邊峭石林立竒兀可喜鄉諸邱阜高不盈二丈率純土無石此山亦甚小獨以石顯豈一水之隔氣即不同歟河下亦有石與山相屬形家謂石龍渡河

鶯岡 在豐寧鋪高可五丈許彌望田間諸小邱僅高數尺則此岡固翹然尊矣三面俱為房屋遮蔽土雲其巔惟右為青雲路有小邱三四與岡若斷若連差有曠致曰鶯岡者以峰首昂若鶯鳴也一名鳳岡有

舉人呂淑銘平其大半為園岡非本來面目矣

汾水 在鄉之北汾原作分以西北兩江由王借岡而
分二道也東從石灣瀾石入海西從黃鼎街邊下佛
山顧不以名黃鼎街邊之水而以名此水蓋上流沙
積日淺至張槎而漸深至佛山而益深且廣故以分
屬之此間也又曰汾水頭者亦以深廣甲於前後宜
稱首也分添水為汾則以人情喜合惡分從汾則實
寓而名更渾雅也今則汾水之名久著幾與晉中之
汾並矣對峙有 關帝廟其下絕深不可測殆水氣

之停蓄歟

北江 北江本湞武湴三水合流湞水源出大庾嶺武
水源出湖廣之莽山經臨武入樂昌至韶城與湞水
合湴水源出中宿南注陽山合湴水出涯口與湞武
二水合由小塘紫洞入王借岡沙口趨汾水下至神
安南注三山入海

西江 西江來自西粵之鬱水源出牂牁夜郎抵蒼梧
歷德慶端州由思賢滘東流入三水與北江合至紫
洞南趨王借岡東從石灣瀾石入海西徑下佛山汾

水一經蟠岡南趨五斗口入海一經岳利沙神安南
注三山北滙珠江入海

新涌 廣人謂港曰涌 在黃鼎張槎堡引流委折而入

直達城門橋通濟橋東南抵海旁注簡村弼唐諸鄉
大塘涌 在彩陽堂舖水從柵下海口折入經龍母廟
大小橋頭通澳口至村尾與新涌合

婆濠涌 大口涌 沙涌 俱在柵下舖

二步涌 在社亭舖 洛涌 在祖廟舖

山涌 在山紫舖諸涌惟此最淺緣地脉所從入濬深

則傷也

東溪

在錦瀾鋪

梁永叔卜築其上瓊山邱文莊為作東溪記

按此外有潘涌仙涌亦當日引流之處但淤為平壤今已久矣

疆界

忠義鄉即佛山堡屬五斗口司西淋都季華鄉其地袤
十里廣七里東抵蟠岡堡西抵張槎堡南抵魁岡堡
北抵墨滘堡至省五十里至京八千一百三十五
里

舖社

鄉之分為二十四鋪明景泰初禦黃賊時所畫也鋪本作鋪列肆之名訛作鋪而卒伍戍宿處亦曰鋪郵卒曰鋪兵又計程以十里為鋪蓋取次舍之義當日禦賊分為二十四處以戰以守故兼取營戍里舍之意而目之曰鋪首尾聯絡互相應援誠工於謀矣今於於沿海處增犬基一鋪為二十五鋪云

汾水

潘涌

觀音堂

福德

嶽廟

祖廟

山紫

或作子訛

豐寧

黃織

紀綱

石路頭

真明堂

社亭

仙涌

醫靈廟

峽岐

耆老

明心

彩陽堂

錦瀾

橋亭

明照

柵下

東頭

大基

新增

邑志載佛山堡村十五按之殊未確蓋實合為大村
中分二十五鋪耳其新附之白鷺洲

大基畸畛

華遠

濬

橋亭畸畛

不與焉

右各鋪有以廟名者祖廟嶽廟觀音堂醫靈廟是也
有以水名者汾水錦瀾潘涌仙涌是也社亭橋亭因
亭紀勝東頭石路就衢著聲峽岐兀起於平陽高甲
西里西街高巷山紫俗訛作子映帶夫遠岫拱屬北

原

拱北里

地固市鎮也欲貨集而商安遂擬豐寧繼

之以紀綱蓋取市司平價之意人多壽考也喜年高
而善長爰尊者老綴之以黃繖迺明積善餘慶之符
佛山一名福山本堪輿有永無劫煞之說惟抱德者
宜居福地曰福德蓮土亦稱鳳土緣相度有彩鳳朝

陽之形常議築堂以挹其秀曰彩陽堂至明心明照
真明堂三鋪則以當時禦寇人同一心肝膽如照是
真明於大義可共一堂者也而俗猥以明燈古蹟明
心古社當之失其旨矣若柵下以捍境之閘名大基
以捍水之堤名大約從田里起見長願鞏固無虞云
爾

古洛社

寶山社

富里社

弼頭社

六村社

細巷社

東頭社

萬壽社

報恩社

里各祀社此民間報賽之常鄉之舊社凡九處稱古

九社餘添設甚多今附錄

麒麟社
涪邊社

會真社
福德社

道路

北由汾水過河至疊涪扶南鹽步背底水直達省城

西北由蜚家沙過河至壑頭街邊等村直通西南三

水

西由大基新廟勝門頭三路至張槎大江等堡抵王

借岡通莊步紫洞等村

南由通濟橋直至潘村魁岡蓉洲橫至綠境深村石

頭通順德新會等縣

東南由沙涌過河至西華石碛奇槎等村直通順德縣

東由弼頭朝市路過河至蠡岡夏滘平洲季華林岳等堡通省城

里巷

正埠

官廳脚

汾流大街

舊檳榔街

源頭街

朝觀里

豆豉巷

長興街

昇平街

事類志
卷之二
松桂里

白米街

太平街

鎮北街

鹽倉街

西邊巷

富文里

汾陽里

快子街

朝陽里

北勝街

盤古墟

新寧街

西竺街

會龍街

騰龍街

西勝坊

新涌口

排草街

龍聚街

安福街

東寧街

東慶街

天成街

觀音廟

善門街

安寧里

瓦巷

右屬汾水鋪

板坊街

天妃廟

鹹魚街

天慶街

聚龍社

聚龍巷

華封街

滙源街

康寧社

弼頭汛

華康街

猪欄

瓊芝社

整船欄

右屬大基鋪

源會里

排後竇

萬元里

潘涌里

大新街

青雲坊

地官里

三角市

公正市

行仁里

馬廊坊

寫園社

教善坊

潘巷

右屬潘涌舖

富路直街

大灣坊

新廟橋頭

三官廟

沙塘坊

大墟

大巷

美里

表岡里

田心巷

高閘門

右屬觀音堂舖

十八間

崎吟街

白鶴洞

絨線街

皮箱街

舊衙前

福祿里

福新街

金線街

福賢里

福壽里

水巷

舍人廟

西園

高地

錦里

右屬福德鋪

新豐里

祿豐社

神天坊

六村社

岡邊頭

道姑園

弼頭

三門樓

右屬嶽廟鋪

古洛社

文明里

大塘頭

祖廟大街

高第坊

天衢坊

餘慶里

秋官坊

臣總里

文會里

協天勝里

麒麟社

甘紫坊

隔塘坊

三元市

鑿石街

勝門頭

右屬祖廟鋪

拱北里

梓里

社地

長塘坊

西平里

南馨里

觀音廟

蓮子坊

東昇里

石塘坊

右屬山紫鋪

福寧里

走馬路

新安街

十字路

鶯岡

華光廟

豐勝街

右屬豐寧鋪

黃傘巷

東華里

富里社

長生樹

黃巷

黃鶴基

早市

江夏里

右屬黃傘鋪

紀綱街

潔淨巷

居仁里

興麟里

南邊巷

右屬紀綱鋪

繁露社

石路頭

興隆街

任睦巷

右屬石路鋪

白雲坊

水圳

石橋街

樂仁里

清安里

青雲社

南頭園

白礪頭

石園

線香街

右屬真明堂鋪

朱紫市

柴欄

朝市直街

餅料街

舒步街

右屬社亭鋪

大塘前

郡馬祠

牛欄頭

仙涌社

石角坊

右屬仙涌鋪

海南塘

萬壽坊

花樓巷

華村巷

司馬坊

右屬醫靈廟鋪

西街

高巷

細巷

巷心社

蘭臺里

亭園坊

石龍街

樂平里

右屬蛟岐鋪

登龍里

金華里

金魚塘

珠璣里

銀帶巷

福慶里

普君墟

綠陰深處

右屬耆老鋪

勝地里

京果街

塔坡古蹟

文昌書院

明心社

右屬明心鋪

澳邊坊

正人里

登閣社

大塘坊

右屬彩陽堂鋪

鑄犁嘴

桄榔樹

鑄鉗街

澳口

晚市直街

沙濠

網華里

布巷

右屬錦瀾鋪

洗巷

會真堂

石獅坊

通濟橋

茶亭

砍尾

水便

右屬橋亭鋪

厚俗里

明燈古蹟

大橋頭

南岸

右屬明照鋪

崇慶里

廣德里

尚書里

忠義里

二榕社

果欄

嘉賢里

龍母廟

細橋頭

三元里

右屬柵下鋪

墳岡巷

第四社

東頭

牛角塘

右屬東頭鋪

論曰古人卜里先相流泉非狗堪輿家說也蓋天地之氣驗於水觀水而氣之厚薄可知居者之榮悴亦可決矣忠義鄉枕海通潮導流以入匝繞四垂靈氣

所鍾洵凝且厚歟涌洛之開鑿不知肇於何年而加浚深廣則自明景泰時始當日以木柵爲城以涌塹爲池忠義盤結儼金湯哉計令賊不能飛渡非寬廣而深森不爲功而吉祥遂從此興矣聲名文物日進而上商賈貨貝日集而繁居是鄉者稱樂土可忘所自歟迺今則或隘而淺矣淺因積污所致隘則填築使然淺迫於勢之無可如何浚之尙易爲力隘泯其跡之有可証拓之後遂無憑有心桑梓者尙思所以維之哉且水非徒福利之云也以溉田疇以通舟楫

米薪蔬果挽運稠疊於生計更爲切要也海口之去
水猶建塔以爲鎮鎖涌洛之來水顧不展濬以大甘
潤乎停水曰汪汪者旺也深廣則應之也欲大有造
於鄉者不在創新但求其故而深廣已極可觀矣而
惠澤已不可量矣事有似緩而實急者其謂是歟

忠義鄉志卷之一

終

忠義鄉志卷之二

官典志

同知
公署

巡檢
靈應祠

都司

千總

鹽埠
稅館

我

朝之職官因地酌宜可減者裁當增者建制至善也佛山
蕞爾一堡距會城五十里仰治於其上是亦足矣而
迺分符置閫幾同郡縣非以地稱繁劇實資彈壓耶
夫文武並設以寧輯吾民

國家所以嘉惠此鄉者良渥靜以鎮之則官逸而民受
福焉謹志之以昭

特典至若

靈應祠官司其祭鹽埠稅館官稽其程考

典也故以附於職官之後志官典

國朝廣州府佛山同知

雍正十一年新設

王聯晉

江南山陽人廕生雍正十二任有傳

黃興禮

江南休寧人貢生乾隆四年任

田弘祚

貴州石阡人舉人乾隆十一年任

毛維錡

江南吳縣人監生乾隆十六年任

趙廷賓

江南長洲人貢生乾隆十七年署任

王以夔

直隸清苑縣人丙午科舉人乾隆十九年署任

五斗口司巡檢

國朝魯

麟

會稽人順治七年任

馮士魁

山陰人順治十五年任

蘇士謙

仁和人康熙十一年任

李繼恒

宛平人康熙四十年任

田詔尹

咸寧人康熙四十六年任

鄭禹彥

江寧人康熙五十一年任

任乾

河南人康熙五十三年任

徐道

奉天人康熙六十年任

忠義錄
卷之三
常夢熊

陳留人雍正六年任

史磐

山陰人雍正九年任

朱德煜

錢塘人雍正十三年任

陸仁德

浙江人乾三年任

黃基弘

大興人乾隆五年任

毛對廷

奉天籍江西人乾隆十一年任有傳

蔡琦

浙江人乾隆十六年任

駐防都司

任魁

寧夏人功加康熙四十九年任

蘇琳芳

巫山人世襲康熙五十一年任

仇元正

歙縣人進士康熙五十六年任

孫得明

商邱人雍正元年任

周宗旦

江寧人進士侍衛雍正四年任

永福

正白旗人文舉人武進士雍正九年任

劉啟宗

咸寧人進士雍正十一年任

劉振功

寧夏人進士乾隆元年任

馬弘勲

西寧人世襲侍衛乾隆五年任

黃堂

江南人進士乾隆十四年任

陳元善

貴州人功加乾隆十七年任

國朝駐防千總

朱叅瑛

余起正

李永元

吳輝文

汪後來

陳有祿

胡德壽

邱勝宗

王耀

張成

洪鎮

李良

楊秀

黃士昌

國初駐防官

附

屠彪

浙江人以通判移駐順治四年任

官玉都

遼東人以同知移駐順治七年任

周憲章

山陰人以通判移駐順治八年任

葉上標

金華人以經歷移駐順治九年任

李繼美

上元人以經歷移駐順治十年任

高漢章

浙江人以知事移駐順治十一年任

徐翺

浙江人以經歷移駐順治十三年任

郁文昭

湖廣人以經歷移駐順治十六年任

翁人龍

襄陽人以經歷移駐順治十八年任

侯世封

陝西人以經歷移駐康熙元年任

鄭道洪 會稽人以照磨移駐康熙二年任

周汝斌 山陰人以經歷移駐康熙三年任

張慎發 夏縣人以知事移駐康熙四年任

劉之朗 河南人以理問移駐康熙五年任

公署

佛山同知署 在十字路屬豐寧鋪 原都司署雍正十三

年改為分府署移都司署於大灣遊擊舊署

佛山都司署 駐劄大灣屬觀音堂舖 原遊擊署今裁遊

擊改為都司署

佛山千總署

駐劄彩陽營屬彩陽堂舖

毀天主堂建

五斗口巡檢司署

向在佛山明景泰三年建

雍正十一年新設同知彈壓劇鎮迺遷司署於平洲

堡時或移駐佛山皆僦民舍以居無定所

此錄邑志但查未設同知之前巡檢皆僦民舍並無
實署則所云向在佛山亦茫無可據矣
按邑輿圖五斗口司舊署在平洲堡新志失考

靈應祠

在祖廟舖

祀

真武元天上帝祠之始建不可

考或云宋元豐時歷元至明皆稱祖堂又稱祖廟以

歷歲久遠且為諸廟首也其曰靈應祠則自明景

泰三年始以神顯庇佛山威破黃賊特加敕封者也定春秋祀典循之至今舊傳祠之初立不過數楹至元末爲賊所燬則前此規模已無可據明洪武中鄉人趙仲修始修復之宣德中梁文縉等繼拓修之鑿灌花池於祠前已而霍時貴等再修建牌樓增鑿錦香池而廟貌迺寬整矣越百餘年爲崇正時祠漸圯尙書李忠定遂大新之壯麗宏敞視前有加照壁飾以鴟吻益成鉅觀

國朝康熙二十三年李錫祚等復行修葺更覺巍煥云

諸記

見藝文

祀典祭業祭器俱詳祠志

鹽埠

五斗口總埠

額引三千四百三十九道零

額餉餘費銀二千一百八十七兩五錢零

佛山七埠共銷鹽四千包

醬坊麵坊鹹魚欄共銷鹽二千包

引尾水面攪鹽共銷鹽一千八百包

稅館

粵海關稅館

在汾水正埠對岸

廣州府稅館

在汾水正埠對岸

兩稅館相距不遠各有巡艇盤查

忠義鄉志卷之二

終

文盛堂刻

忠義錄

卷之二

十

忠義鄉志卷之三

鄉事志

紀畧
亭館

圖甲
寺觀

坊表
家廟

廟市
墳墓

津梁
古蹟

鄉以無事爲福志鄉事何曰此昔人之已事或斯鄉之所宜有事也惟無廢事迺可安於無事也覽紀畧則知往事矣按圖甲則趨公事矣市渡宜循其舊廟橋或以時新家廟墳墓孝之事也亭館寺觀事之餘耳古蹟則事之可傳者足資憑賞故亦附焉作鄉事志

紀畧

鄉之成聚相傳肇於汴宋沿至元末已數百年而事
遠年湮茫無可考今斷自明始從信也

明洪武三年庚戌詔民間立社學

鄉各社學疑皆建於是時

1371 五年壬子鄉人趙仲脩復建

北帝廟後為

靈應

祠又曰祖廟

元末龍潭賊寇本鄉艤舟汾水之岸眾禱於神即

烈風雷電覆溺賊舟過半俄賊用妖術賄廟僧以

穢物污廟遂入境剽掠焚廟宇以洩兇忿不數日

僧遭惡死賊亦敗亡至是復建

詳碑記

二十四年辛未大毀寺觀

鄉毀塔坡寺

1430 宣德四年己酉重修

北帝廟

梁文繼倡捐有記

1436 正統元年丙辰鑿

北帝廟前灌花池

梁文繼霍佛兒捐地一百

二十步併植梧桐
波羅二樹於池旁

七年壬戌巡按張善給往省渡船二隻量取賃租以

供北帝廟香火

十四年己巳海賊黃蕭養遣其黨攻圍本鄉鄉人梁

廣等率眾敗之賊遁去是役也北帝神屢現

威靈賊恐怖無策遂大敗斬獲二千餘級布政使

揭稽以事聞 詳奏疏

¹⁴⁴³ 景泰三年壬申詔以北帝廟為 靈應祠佛山堡為

¹⁴⁴³ 忠義鄉旌賞忠義士梁廣等二十二人

¹⁴⁵⁶ 四年癸酉禮部頒諭祭 靈應祠祀典劄付 四台二十四號

天順五年辛巳饑知縣到鄉給賑

弘治五年壬子颶風大水失潮 時普君墟可乘船通鄉惟高地不浸故稱

高地

九年丙辰洗光登進士 時遷居順德縣之鷺洲

¹⁴⁴⁴ 正德八年癸酉重修 靈應祠建牌樓三門及流芳

堂增鑿錦香池於灌花池右霍時貴倡捐

1515 九年甲戌梁焯登進士居社亭舖在舒步街

嘉靖元年壬午提學莊渠魏公校毀淫祠改建社學
鄉所毀甚多改建蒙養各社學後先主事桂奇追記其事見藝文

十四年乙未洗桂奇登進士居潘涌舖之鶴園

二十年辛丑陳善登進士居社亭舖之朱紫市

二十九年庚戌岑遠登進士居石路舖之石路頭

1537 三十一年壬子建 靈應祠前石照壁石上刻花龍道士蘇澄輝募

三十二年癸丑大饑主事洗桂奇出粟賑粥為富人

倡鄉賴以濟

事詳世濟忠義記見藝文

三十八年己未脩通濟橋

深村堡進士霍與瑕捐修與瑕仕至僉事

四十四年乙丑行軍籍法

時鄉之軍戶凡三易供狀而後定

隆慶二年戊辰重脩通濟橋

深村堡霍隆捐脩隆即與瑕世父

萬歷九年辛巳行清文法

時知縣周文卿以原額不足每畝加派二分名為定

弓民不堪命至十二年量減三釐六毫猶徵一分六釐四毫四十四年鄉尚書李待問率眾籲墾始

議將香山等縣新墾沙田移抵定弓虛稅

國朝雍正八年以各縣移抵有弊

題請豁免

脩通濟橋

知縣周文卿捐貲倡修

按周文卿加定弓虛稅為一邑累迺屑屑於一橋之脩豈欲以此謝過耶抑狹矣

二十四年丙申大饑鄉富人捐粟賑濟

二十六年戊戌柵下細晚市放烟花擠擁踐死七十

二人

1710

三十一年甲辰李待問登進士

卯辰聯捷時居岷岐鋪之高巷

1755

三十二年乙巳修靈應祠門樓

經歷李好問同弟進士待問捐修

1756

三十三年丙午丈明

靈應祠祭業共實稅六十八

畝

三十七年庚戌洗憲祖登進士 侍郎光元孫

誅盜黃在明

在明結黨踞沐恩社肆行劫掠鄉人報官計擒之斃於獄後建忠義營即盜所

也踞地

四十二年甲寅設忠義營

李待問以郎中歸里倡議立營以捍鄉土兵食出自鄉之門攤爐煽銀一百七十兩

四十五年戊午送鄉主事日孚梁公入鄉賢祠

1622

天啓二年壬戌縣拘刁橫工匠治以罪

九月九日炒鑄七行工匠糾眾狂譟借清復靈應祠地為名先拆祠前照壁隨毀民廬奸不可測

知縣羅萬爵急出示安民計擒為首者重懲始各解散

三年癸亥

靈應祠前池加築拱橋

以所拆照壁石為之

六年丙寅脩通濟橋建亭於左畔

經歷李徵問同弟總漕待闕捐脩

七年丁卯脩崇正社學

建鄉仕會館

追建塔坡古寺

改地於醫靈舖之左巷

崇正元年戊辰建

天妃廟

在柵下舖海口

詔團練鄉兵

鄉則員外郎李陞問總其事以郡邑

幣請也各舖有鄉夫自此始

六年癸酉築汾水柵下水閘

知縣黃熙印督築

縣拘刁橫鍋匠柴工治罪

耳鍋匠併鋸柴工與諸爐戶鬭爭毀陳達達房屋
拏獲責究

七年甲戌修往省大路

尚書李待問主事龐景忠同捐修有記

1625

八年乙亥修

靈應祠改塑

神像

署丞李敬問捐修

十三年庚辰增築汾水柵下水閘

十四年辛巳大修

靈應祠復築照壁

尚書李待問捐修

修南擎觀音廟

十五年壬午建 文昌書院 在明心舖尚書李待問捐建

十六年癸未大水 鄉田半收

國朝

世祖章皇帝順治元年甲申修 華光廟 在觀音堂舖富路坊

二年乙酉奉鄉尚書李忠定公像附祀於 文昌書

院之後寢

三年丙戌禁鄰堡張槎田心開涌 有告示碑記

四年丁亥通判屠彪到鄉駐防

以文昌書院為衙本鄉有官自此始
時有黃頭賊數百襲殺田營官拆毀忠義營大為

鄉患鄉人協力討之殺賊一百七十餘級奔報總督佟養甲大加賞異

七年庚寅同知官玉都到鄉駐防公署在汾水鋪後街

豁免忠義營兵食銀項

築省城西門本鄉派築十五丈

八年辛卯建關帝廟在汾水正埠對峙同知官玉都倡建

九年壬辰築沐恩社房屋凡八間收賃值以供崇正社學祀事其地本忠義營

房營廢遂改築之

十年癸巳春大饑斗米千錢

駐防經歷李繼美令米肆依先糴原價糴又勸富人出粟賑濟

十二年乙未海賊流劫入柵下鄉夫擊之殺賊數十

人

建龍母夫人廟

在柵下鋪

修通濟橋

盡易以石僧圓朗募有記

復忠義營

以朱紫市梁祠為營房鄉夫工食出自本鄉後數年又廢

1658年

十四年丁酉修

靈應祠香亭

1659年

十五年戊戌建華封臺

在靈應祠前

聖祖仁皇帝康熙元年壬寅建忠義鄉約

在祖廟鋪左巷

二年癸卯海賊流劫本鄉鄉夫擊敗之

時賊銳甚鄉夫一礮傷其旗手賊遂惶亂退走
又鄰鄉石碯被劫鄉夫往救擊殺賊數十人石碯
由是獲安

修 鄂國公廟

三年甲辰飭保甲給門牌 時駐防經歷周汝斌

五斗口司巡檢到鄉駐劄 原駐平洲堡今移於鄉

修醫靈廟

十二年癸丑建 文昌書院 在山紫舖觀音廟左
僑籍人士合建

十七年戊午林開春領鄉薦第一 居柵下舖
原潮州人

二十年辛酉修 南泉觀音廟

¹⁶⁸⁵二十三年甲子脩 靈應祠

¹⁶⁸⁵建 聖樂宮 在 靈應祠左 改華封臺為萬福臺

二十四年乙丑修崇正社學

三十九年庚辰何肇宗登進士 居觀音堂舖原番禺縣人

五十一年壬辰誅劇賊甘鰲賓

鰲賓以積賊受撫委為佛山練總聚黨數百人驕恣殘暴奸謀叵測按察使武廷選廉知之計誘至省立斃杖下賊黨始散

五十二年癸巳春穀貴給賑饑民

時富人有被掠者縣擒為首者治以罪

五十八年己亥有童子毀靈應祠牌樓

童子年可十三四緣柱登最高處若履平地手掠瓦木擲下如飛數千人聚觀無一傷者咸謂神

實使之示人以改脩也

1680

五十九年庚子修復靈應祠牌樓

~~碑~~

世宗憲皇帝雍正元年癸卯禁天主教

鄉毀天主堂

乃

浚復旗帶水

長四百六十餘丈

先是神附人言宜修舉者六事浚旗帶水其一也鄉人士遵之惟謹修復故渠大增勝槩有記

五年丁未譚會海登進士居福德舖之福祿里

七年己酉設約正

鄉推貢生區廷輝

十一年癸丑添設 佛山同知復移五斗口司巡檢

於平洲堡 霍作明登進士 遷居三水縣

今上皇帝乾隆元年丙辰

特恩鄉試談德領鄉薦第一 居福德舖原平洲堡人

四年己未龐遙登進士 遷居省城五仙門內水母灣

六年辛酉陳炎宗領鄉薦第一 居耆老舖之金魚塘

七年壬戌建文塔 一稱文昌閣 在柵下舖海口有記

九年甲子建汾江義學 在柵下舖有記

¹⁷⁰⁶十年乙丑錦香池懸燈人擠棚傾壓死七童子

十二年丁卯修 天后宮

十三年戊辰陳炎宗登進士

十五年庚午修 關帝廟馬頭

在汾水正埧對岸

社倉

五斗口司屬紳民趙祖庇黃汝忠等原捐貯穀一千
三十一石

圖甲

佛山堡共八圖八十甲計八百八十四戶

二十圖十甲共一百八戶

梁萬履

梁相

霍日高

霍貴

陳進

梁承裔

盧承德

岑永泰

梁修進

梁永標

二十一圖十甲共一百二十三戶

區廣德

黃應同

陳繼斌

冼復起

倫建興

何戎長

梁英

梁永興

倫天相 霍光祚

一百一十四圖十甲共一百五十二戶

簡世榮 霍大同 李鳳 梁堯芳

高兆建 梁宗盛 李大宗 陳世豐

洗貴同 梁宗蕃

一百一十五圖十甲共一百一十三戶

陳大同 布永誠 何永泰 區效汾

陳以言 霍芳 洗世和 黃永同

霍定 霍永興

一百一十六圖十甲共一百四戶

何厚貴

陳兆廷

簡永同

黃振鍾

黃河清

霍維新

陳璉

梁世祖

陳泰

洗紹祖

一百一十七圖十甲共一百一十七戶

洗舜孔

霍豪

梁進

霍維新

洗繩祖

洗成泰

洗益進

霍憲祖

何萬勝

梁成

一百一十八圖十甲共一百戶

陳祥

霍逢泰

陳忠

梁永福

何祖大

梁永禎

區舜華

陳必進

梁偉

羅元兆

一百一十九圖十甲共六十七戶

何繼祖

洗衆為

梁陳里

梁維盛

洗貴同

洗翼

霍萬鍾

洗永興

霍大同

洗光裕

舊志各圖下載稅若干米若干今按各圖盈縮不
一大約隨時消長難以畫定故畧之

諸廟

關帝廟

在祖廟鋪
在東頭鋪

一在汾水鋪

觀音廟

在祖廟鋪
在汾水鋪

靈應祠右 一在山紫鋪

天后廟

在柵下鋪
在福德鋪

一在汾水鋪

華光廟

在豐寧鋪

一在觀音堂鋪

太上廟

在明心鋪

普君廟

在耆老鋪

武當行宮

在汾水鋪

賢靈廟

在賢靈鋪

三界廟 在汾水鋪

鄂國公廟 在豐寧鋪

主帥廟 在柵下鋪

龍母夫人廟 在柵下鋪

金花夫人廟 在耆老鋪 一在祖廟鋪

柳氏夫人廟 在峽歧鋪

先鋒廟 在明心鋪 一在潘涌鋪

梁舍人廟 在福德鋪

舍人本福祿里梁氏子年十九往粵西販柴歸至中

途颶風覆舟死已而現形如生時僱舟引柴歸且曰
我臬臺舍人也舟不得緩舟人晝夜趲行不數日至
急登岸命舟子隨抵家則先入舟子久候不出因呼
梁舍人門內驚問具言故兼述體貌舉家惶愕拉往
驗柴則果泊岸矣方悟已溺死而為神也里人異其
事立廟祀之祈禱輒應迄今不衰

忠義流芳祠

在

靈應祠右有記

鄉義士梁廣等二十二人禦黃賊蕭養有殊功鄉人
立祠尸祝之

國朝康熙中有汪遊擊者

諱作霖湖廣人

駐劄於祠夜坐

間恍見二十二人旅而入汪驚起避之明晨集紳耆

祭禱題額於堂曰欽崇風烈云

霍烈士社

在柵下舖烈士配社而兩社以烈士重矣烈士之有此兩社也宜哉

烈士名仲儒忠義里人明景泰時同梁廣等擊黃蕭

養賊黨於柵下海口仲儒奮勇先驅摧破賊鋒俄賊

飛礮中仲儒墮水死尸逆流入港面如生里人哀而

神之塑像配祀於青龍義榕兩社夫梁廣等二十

二人生蒙恩旌死享廟食而仲儒同矢忠義且以身

殉顧湮沒無聞焉豈仲儒身微因人舉事後諱言傷
敗遂掩其烈耶今雖奉以配社君子謂猶未足以酬
也特建一廟以慰烈魂是所望於扶植名教者嗟乎
論功行賞之際殉義而名滅者多矣豈獨仲儒也哉

蘇道士像

附祀

靈應祠內

蘇道士名澄輝字碧真靈應祠祝巫也嘗募新祠宇
築照壁殫心瘁力而疎於會計有核其經費者澄輝
無以應也遂鬱鬱而死後見夢於其徒曰帝尊念我
微勞許侍祠內幸為我立像因塑像附祀於祠之左

廬下諸巫事之甚謹

李儉生生祠

在豐寧鋪有傳見武功

坊表

敕賜忠義鄉 在汾水正埠

聖域 在靈應祠前

雲漢爲章 在崇正社學內

地靈璠貴 在明心鋪文昌書院內

振家德澤 弈世恩榮 在祖廟鋪 爲先灝通建

家傳詩禮 世沐恩榮 在潘涌鋪 爲先政先滌建

褒寵 在仙涌鋪梁祠內 爲主事梁焯建

昇平人瑞 在社亭鋪 爲百齡庠生梁持璞建

節孝坊

一為李澤妻梁氏建

在明照鋪

一為區起敬妻李氏建

在柵下鋪

一為霍廷喬妻鄺氏建

在汾水鋪

一為李芳生妻陳氏建

在明照鋪

一為陳宗衍妻何氏建

在嵒岐鋪

一為許海涵妻龐氏建

在山紫鋪

一為李奕公妻潘氏李伊長妻徐氏

姑媳聯建
在明心鋪

一為沈樂容妻黃氏建

在福德鋪

一為黃文錫妻霍氏建 在耆老鋪

一為麥章斐聘妻霍貞女建 在觀音堂鋪

一為洗熺妻區氏建 在福德鋪

一為林文燦妻孔氏建 在峻岐鋪

一為吳祖嘉妻勞氏建 在明照鋪

一為蕭吉士妻霍氏建 在祖廟鋪

一為李錫駒妻方氏建 在尚書里

墟市

官廳市

磐古墟

俱在汾水鋪

三角市

公正市

俱在潘涌鋪

表岡墟

又名大墟在觀音堂鋪

普君墟

原名塔坡墟在耆老鋪

早市

原名岡心市在黃傘鋪

朱紫市

又名朝市在社亭鋪

三元市

在祖廟鋪

晚市

在錦瀾鋪

大基頭市

在大基鋪

細橋頭市

在柵下鋪

新墟

在明心鋪

橋梁

通濟橋

在橋亭鋪

橋為諸鄉往來津要屢修屢圯

最後易以石始鞏固矣

城門頭橋

在祖廟鋪

昔禦黃賊時曾築木柵於此

故稱城門一名勝門

大塘涌口橋

在彩陽堂鋪

大橋

在明照鋪

細橋

在柵下鋪

登雲橋

永豐橋

俱在岳廟鋪

見龍橋 躍龍橋 俱在仁涌鋪

津渡

往省渡船 泊汾水正埠 一泊石角坊

往各鄉橫水渡船五

疊滘一 泊正埠 塋頭一 泊新涌口

石碇一 泊沙涌 街邊一 泊丁渡頭

蟠岡一 泊大基尾

此外有各府各縣各鄉日渡夜渡或泊汾水及大基尾或泊柵下海口難以枚舉

凡舟所泊處曰馬頭貨舟所泊曰埠頭又曰步頭
有大馬頭汾水接官亭柵下天妃廟之類是也有
小馬頭汾水尹陳口柵下大塘涌之類是也穀埠
魚埠 在大基舖 不可勝食糠步 在柵下舖 炭步 在
錦瀾舖 不可勝炊也

水閘

汾水水閘 大基頭水閘 大塘涌水閘

柵下海口水閘 有二 各頭步閘 二步閘

亭館

鶴園

先亨甫築在潘涌鋪

黑櫻

通判沈一新築在潘涌鋪

慕洛亭

在祖廟鋪

白鶴洞

內有綵鷁亭浴鶴池

在觀音鋪俱主事沈少汾築

知津亭

在明照鋪贈尚書李同野築

遜園

在明照鋪員外李康侯築

印月亭

在耆老鋪陳曰深讀書處

元龍別墅

在耆老鋪陳玉京築

濠濮山房

在福德鋪翟侯瑛築

晚翠亭

在明照鋪大榕樹旁

浴日閣

在明照鋪李超南築

棲隱亭

在福德鋪霍西城築

接官亭

在汾水鋪佛山同知黃興禮修有記

茶亭

在橋亭鋪修復有記

牲園

在豐寧鋪舉人呂淑銘築

西園

在汾水鋪守備曹躍天築

蔣徑

在橋亭鋪梁知城築

汾江第一樓

在石路鋪吳祐官築

水園

樓在沼中名水樓高四丈餘登樓則佛山四境一
目盡矣陳雲麓曾讀書於此顏曰汾江第一樓

園廣可七八畝四面皆魚池環植荔枝圓眼蜜柚
甘蔗之屬甚茂密入徑有小橋夾徑皆松榕蒼翠
可掬中有三五人家頗得幽居之勝
西華草堂在觀音堂鋪吳崇平築

寺觀

塔坡古寺 一名經堂在醫靈廟鋪

○ 仁壽寺 寬廣為諸寺冠在祖廟鋪

○ 三元菴 在祖廟鋪 寶洲寺 在汾水正埠對岸

湖峰寺 在山紫鋪 定覺寺 在福德鋪

○ 福源寺 在祖廟鋪 德壽寺 在岐岐鋪

鐵佛寺 又名僧伽廟在福德鋪

通濟寺

三昧寺

俱在橋亭鋪

竹林寺

龍池寺

豹菴

借菴

俱在錦

蓮子寺

地藏寺

俱在山紫鋪

延壽寺

淨蓮寺

俱在明心鋪

白毫寺

在東頭鋪

鹿峰寺

在岳廟鋪

弘聖寺

茶菴

俱在豐寧鋪

西菴

在山紫鋪

長慶尼菴

在錦瀾鋪

華嚴尼菴

在醫靈廟鋪

洞天宮

在豐寧鋪道觀止此一區內有文昌閣

家廟

鶴園

洗亭甫築在潘通鋪

黑樓

通判洗一新築在潘通鋪

慕洛亭

在祖廟鋪

白鶴洞

內有採鷓亭浴鶴池

在觀音鋪俱主事許少汾築

知津亭

在明照鋪贈尚書李同野築

遜園

在明照鋪員外李康侯築

印月亭

在耆老鋪陳曰深讀書處

元龍別墅

在耆老鋪陳玉京築

濠濮山房

在福德鋪霍侯瑛築

晚翠亭

在明照鋪大榕樹旁

浴日閣

在明照鋪李超南築

棲隱亭

在福德鋪霍西城築

接官亭

在汾水鋪佛山同知黃興禮修有記

茶亭

在橋亭鋪修復有記

牲園

在豐寧鋪舉人呂淑銘築

西園

在汾水鋪守備曹躍天築

蔣徑

在橋亭鋪梁知城築

汾江第一樓

在石路鋪吳祐官築

水園

樓在沼中名水樓高四丈餘登樓則佛山四境一
目盡矣陳雲麓曾讀書於此顏曰汾江第一樓

見龍橋

躍龍橋 俱在仙涌鋪

津渡

往省渡船

泊汾水正埠

一泊石角坊

往各鄉橫水渡船五

疊滘一

泊正埠

壑頭一

泊新涌口

石碇一

泊沙涌

街邊一

泊丁渡頭

蟠岡一

泊大基尾

此外有各府各縣各鄉日渡夜渡或泊汾水及大基尾或泊柵下海口難以枚舉

凡舟所泊處曰馬頭貨舟所泊曰埠頭又曰步頭
有大馬頭汾水接官亭柵下天妃廟之類是也有
小馬頭汾水尹陳口柵下大塘涌之類是也穀埠
魚埠 在大基舖 不可勝食糠步 在柵下舖 炭步 在
錦瀾舖 不可勝炊也

水閘

汾水水閘

大基頭水閘

大塘涌水閘

柵下海水閘

有二

頭步閘

二步閘

亭館

墟市

官廳市

磐古墟 俱在汾水鋪

三角市

公正市 俱在潘涌鋪

表岡墟

又名大墟在觀音堂鋪

普君墟

原名塔坡墟在耆老鋪

早市

原名岡心市在黃傘鋪

朱紫市

又名朝市在社亭鋪

三元市

在祖廟鋪

晚市

在錦瀾鋪

大基頭市

在大基鋪

細橋頭市

在柵下鋪

新墟

在明心鋪

橋梁

通濟橋

在橋亭鋪

橋為諸鄉往來津要屢修屢圯

最後易以石始鞏固矣

城門頭橋

在祖廟鋪

昔禦黃賊時曾築木柵於此

故稱城門一名勝門

大塘涌口橋

在彩陽堂鋪

大橋

在明照鋪

細橋

在柵下鋪

登雲橋

永豐橋

俱在岳廟鋪

節孝坊

一為李澤妻梁氏建 在明照鋪

一為區起敬妻李氏建 在柵下鋪

一為霍廷喬妻鄺氏建 在汾水鋪

一為李芳生妻陳氏建 在明照鋪

一為陳宗衍妻何氏建 在崐岐鋪

一為許海涵妻麗氏建 在山紫鋪

一為李奕公妻潘氏李伊長妻徐氏 姑媳聯建在明心鋪

一為先樂容妻黃氏建 在福德鋪

一為黃文錫妻霍氏建在耆老鋪

一為麥章斐聘妻霍貞女建在觀音堂鋪

一為洗燐妻區氏建在福德鋪

一為林文燦妻孔氏建在峽岐鋪

一為吳祖嘉妻勞氏建在明照鋪

一為蕭吉士妻霍氏建在祖廟鋪

一為李錫駒妻方氏建在尚書里

尚書李待問墓

在西坑岡

叅軍李好問墓

在燕歸窩

員外李陞問墓

在埔頭岡

知縣霍維誠墓

在燕歸窩

同知霍良翰墓

在清水岡

叅軍陳席珍墓

在竹坡岡

主事龐景忠墓

在大北門外

光丞李敬問墓

在清水岡

梁節婦霍氏墓

在祖廟舖大塘前提學魏校委教諭蔣鑿治葬有亭有碑記

義塚

在大墓岡李錫簡買地凡無歸者皆理之仍代築墳立石清明攜酒奠之人呼義塚

古蹟

佛像

舊傳鄉之初聚夜輒見塔坡岡

在蒼老舖

有光

掘之得三銅佛像因建寺於其上以奉銅像名塔坡

寺鄉稱佛山蓋以此也後寺毀於明洪武時像之存
毀不可考今塔坡古寺改建於晉靈廟舖所供銅像

云是故物恐未必然

旗帶水 靈應祠有神旗名七星旗屢著靈異鄉人豎

長杆於鑿石街屬祖廟舖在靈應祠前左以懸旗

鑿渠於其前名旗帶水自城門頭引流折而右經山
紫村達於涌 此渠不知浚於何時久已淤廢康熙
六十一年神附人言宜浚復此水以福一鄉遂鳩工
浚之今又淤矣

錦香池

靈應祠前方沼也明正德時霍時貴等所鑿

周遭甃以石整而固上為石欄加以雕鏤復琢巨石
為龜蛇置沼中開石渠引古洛之水以入源甚長左
右築小平阜種樹垂蔭甚有致遊人憑欄眺賞無虛
日

灌花池

此池鑿於明正統時梁文縉霍佛兒所捐地

也後增錦香池於其右遂有兩地相距不數武迺錦
香歷加修浚而此池久廢為平壤矣事必溯其所始
遙尋勝槩猶興嘆慕云爾

△神鏡 本大鐵鏡 靈應祠古器鑄造不可考久藏

祠中頑黑無色蓋千年物也明嘉靖中築祠前照壁
出此鏡懸之則光芒四射不可逼視遙望寶氣騰躍
若有神寓焉俄隣鄉以鏡能遠照驚眩不安遂仍還
之祠中

△大寶瓶 靈應祠養花瓶也高五尺鐵質製極古樸當
禦黃蕭養賊黨時鄉人取以誑賊賊遙見疑為大砲
不敢逼噫瓶能却賊瓶真寶也哉

△石獅 在石獅坊梁氏門外梁氏祖名晚節有友在西

樵以山石琢二獅子遺之晚節豎於門首日久能為
怪殘踏田禾農人夜伺之見兩物如羊翻滾田中急
持梃趨逐至梁門倏滅因以梃擊兩獅足破焉怪始
絕

福山八景 本舊志

汾流古渡 今汾水正埠

岡心烟市 今早市

慶真樓觀 即靈應祠

塔坡牧唱 今普君墟


孤村鑄練 今大墟沙塘

東林擁翠 今東頭坊

南浦客舟 今隔海寺岸洲

村尾垂虹 即通濟橋

論曰吾鄉謬以饒富聞而無蓄積之實鱗次而居者
三萬餘家其商賈媚神以希利迎賽無虛日市井少
年侈婚娶鬪酒食三五富人則飾其祠室以自榜故
外觀殊若有餘而其人率無田業貧既無隔宿之炊
富亦乏周歲之儲舉鎮數十萬人盡仰資於粵西暨
羅定之穀艘日計數千石穀艘至稍希則米肆擁先
所糴以增價噫食為本計而鄉田至少雖欲耕得半
則惟集米商而均米值為鄉之最急務矣司斯土者
其必以此為首事哉





CHENG YU TUNG
EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5



